

Սակայն, ճակատամարտը տեղի ունեցաւ նախատեսնւածից մի քիչ տարրեր ձևով: Հեռախօսային կապ չլինելու պատճառով՝ Կորովիովը մի քանի ժամ ուշ ստացաւ հրամանը, և նախաձեռնութիւնը նրա ճակատում անցաւ թշնամու ձեռքը: Ժամը 8-ին վրացիները, սպայական գումարտակի գլխաւորութեամբ, դիմեցին ուժեղ յարձակման, Գիւլ-Գաղիի մօտ պատուեցին մերոնց շղթան և շարժեցին դէպի Գեղեք-Բուռուն լեռը: Ժամը 1-ին թշնամու յառաջխաղացման մասին լուր ստացուեց զօրամասի սպայակոյտում, և Դրօն շտապեց պահեստից օգնութեան հասցնել 2րդ գնդի 2րդ գումարտակը, որը կանգնեցրեց վրացիներին արշաւը:

Ժամը 2-ին ուժգին յարձակման անցաւ 6րդ գունդը՝ շարժելով դէպի 2660 բարձունքը: Կենտրոնական ճակատից անընդհատ տեղեկութիւններ էին ստացուում, որ վրացիները 2660 բարձունքի կողմերից, Մամայից ու Գամիայից Սաղախլու էին քաշում իրենց ուժերը և շարժում դէպի Գիւլ-Բաղի: Եւ որովհետեւ ձախ թեւը չէր շարժուում, Դրօն հրամայեց աջ զօրասիւնին ցոյց տալ վճռական գործունէութիւն և մի զօրասիւն ուղարկել դէպի Սաղախլու՝ Գիւլ-Բաղիի ուղղութեամբ գործող վրացիներին թիկունքից հարւածելու համար:

6րդ գունդը յառաջացաւ երկու թևով. մէկը՝ 1 գումարտակ՝ Գիւնաշ-Թափայից 2660 բարձունքի լանջերով շարժեց դէպի Լամբալու և Սաղախլու: 6րդ լեռնային մարտկոցի 2 թնդանօթը կրակ բաց արին Սաղախլուի վրա. 2660 բարձունքի վրա տրեւց մի պահակ: Միւս գումարտակը գործում էր Քասումլուի և Կաչաղանի շրջանում:

Միաժամանակ, Սաղախլուի վրա կրակ բաց արեց և 7րդ լեռնային մարտկոցը, և 2րդ գնդի 3րդ գումարտակը 2702 բարձունքից սկսեց հարաւից իջնել դէպի Սաղախլու: Զրահապատը, առաջ անցնելով, օգնում էր 3րդ գումարտակի էջքին:

Ձախ թևի վրա շարունակուում էին կատաղի կռիւները. վրացիները տարածուում էին Գեղեք-Բուռունի ուղղութեամբ:

Ժամը 3-ի մօտերը, 6րդ գնդի 2րդ գումարտակը սկսեց մօտենալ 2660 բարձունքի կատարին: Վրացիները բաց արին ուժեղ գնդացիրային կրակ, բայց մերոնք առաջ շարժեցին գնդակների տարափի տակ՝ պատրաստ անցնելու սւինամարտի: Վրացիները խուսափեցին սւինակուից և ժամը 4 ու կէսին փախան: 2660 բարձունքը անցաւ հայերի ձեռքը, որոնց առաջաւոր մասերը սկսեցին իջնել դէպի Մամայ՝ կտրելով Սաղախլուի ճակատում գործող վրացական զօրքերի թիկունքը: Երեկոյեան 6րդ գնդի ձախ զօրասիւնը գրաւեց Լամբալուն, իսկ 2րդ գնդի 3րդ գումարտակը ներս խուժեց Սաղախլուի հարաւային մասը:

Գիշերը կռիւը դադարեց: Թիկունքից կտրւած՝ վրացիները կանգնեցին Գիւլ-Բաղիի շրջանում և սկսեցին կամաց-կամաց յետ քաշուել: Մեր ձախ զօրամասը բռնեց բարձունքները Սոթոռնիի, Գիւլ Բաղիի ու Բարդաձորի գլխին: